

07. maj 2002

UPA2002/25

**Ilagiinni atorfinitsitsisarnerit pillugit Inatsisartut peqqussutaata
allannortinneqarneranik Inatsisartut peqqussutissaattut siunnersuut**

(provstinik atorfinittitsisarnerit)

pillugu

Inatsisartut Kultureqarnermut Ilinniartitaanermullu Ataatsimiititaliaata

ISUMALIUTISSIISUTAA

aappassaaneerinissamut saqqummiunneqartoq

Inatsisartut Kultureqarnermut Ilinniartitaanermullu Ataatsimiititaliaat
suliarinninnermini ukunin-nga inuttaqarpoq:

Inatsisartuni ilaasortaq Ruth Heilmann, Siumut siulittaasuugallartoq
Inatsisartuni ilaasortaq, Jakob Sivertsen, Atassut, Naimingitsoq Petersen-imut
sinniisussatut

Inatsisartuni ilaasortaq Lars Karl Jensen, Siumut
Inatsisartuni ilaasortaq Olga Poulsen, Inuit Ataqtigiiit
Inatsisartuni ilaasortaq Mogens Kleist, Kattuseqatigiiit

Inatsisartut Kultureqarnermut Ilinniartitaanermullu Ataatsimiititaliaata UPA2002-mi
siullermeerinerup kingorna siunnersuut nassuiaatitai ilanngullugit misissuataarjaa.

Aallaqqaasiutigalugu ataatsimiititaliap oqaatigissavaa siunnersuut ulloq 11.
februarimit ulloq 18. februarimut tusarniaassutitut nassiunneqarsimasoq.
Ataatsimiititaliap isumaqatigiittup piffissaq tusarniaanermut atorneqartoq taanna
sivikippallaarujussuurtutut isigaa.

Ataatsimiititaliap Naalackersuisut kaammattussavai siunnersuutip qanoq ittuunera
apeqqutaatillugu peqqussutissatut siunnersuutit sivikinnerpaamik sapaatip
akunnerinik sisamanik akissuteqarfigineqarnissaat periarfissaqartillugu
ajornanngippat tusarniaassutitut nassiunneqartassasut.

Kalaallit Nunaata biskopiata kiisalu kirkeministeriap tusarniaanermut akissutaannik tigusaqartoqarpoq.

Biskopip kirkeministeriallu siunnersuut tapersinngilaat, tamatumunngalu tunngavilersuutigalugu provstitut atorfiup allaffissornikkut sulinermut tunngasuunerunera. Provstip suliassaraa biskopi sinnerlugu palasinut nakkutilliinermik isumaginninnissaq.

Biskopip isumaa malillugu tamanna provstitut-palasiut atorfiup akuleriisitamik inuttalerneqarnerani atuuffiit taakku marluk akornanni avissaartitsinissaq isumaqarlualissaq, taamaalilluni palaseqarfimmi pineqartup palasiut suliffigisassaani ilaagit qinnuteqaateqartoq sorleq atorfinitsinneqaqqullugu kissaatigineqarnerasoq oqaaseqarfiginnittalersinnaaqqullugit. Provsteqarfimmili palaseqarfiit sinneri pillugit pineqarpoq provste illuatigut tassaasoq palasip ilagiillu akornanni ataqatigiisitsisusoq, illuatungaatiullu tassaalluni biskopip qitiusumillu allaffeqarfiup akornanni ataqatigiisitsisusoq. Taamaammat biskopip tulluartutut isiginngilaa provstimik atorfinitsitsiniarnermi ilageeqarfiit sinnerisa tusarniaavigineqartarnissaat.

Kirkeministeriattaq uparuarpaq peqqussutissatut siunnersuut nutaaq aqqutigalugu ilagiit sinniisaasa palaseqarfimmi kia palasiunissaanut sunniuteqaqataasinnaanerat annertuumik ajorseriartinneqassasoq, provsteqarfimmimi ilagiit sinniisaasa ataatsimoorutamik oqaaseqaateqartalernissaat isummiunneqarmat.

Taamaammat ataatsimiititaliap isumaqatigiittup biskopip kirkeministeriallu tunngavilersuutitut saqqummiussaataq paasilluarpai.

Ilagiilli sinniisaasa sunniuteqarnerat pillugu siunnersuummut Naalakkersuisut oqaaserisaat ataatsimiititaliap isumaqatigai, oqaatigineqarmat: "*Taamaallaat pineqarput oqaaseqaatit pineqaratillu taasinissaq qinersinissarlunnit, taamaattumillu Naalakkersuisut provstinik atorfinitsitsinermi oqaaseqaatit assigiinngitsumik naliliiffigisinnaallugit. Palaseqarfimmiit provstip aammattaq palasiut suliffigisaaniit oqaaseqaat tamatumunnga atatillugu pissusissamisoortumik immikkut naliliivigineqassaaq.*"

Aalajangiiffigisassatut siunnersuummik, inatsisissatut siunnersuummut tunngaviusumik, ataatsimiititaliap suliarinninnerani tusarniaanermut akissutini provsteqarfimmi ataatsimiititalianit isu-maqatiginartinneqarneruvoq provsteqarfimmi ilagiit sinniisaasa tamarmiusut akornannit provstimik toqqaasarnissamik siunnersuutikkut anguniarneqartoq tapersersussallugu.

Ataatsimiititaliap isumaqarpoq aalajangiiffigisassatut siunnersuummut tunngaviusumut isummernermini tunngavilersuutiniq ataatsimiititaliap isumaqatigisinnaanngisaannik nutaanik takkuttoqarsimanngitsoq.

Tamanna tunngavigalugu ataatsimiititaliap isumaqatigiittup Ilagiinni atorfinitsitsisarnerit pillugit Inatsisartut peqqussutaata allanngortinneqarneranik

Inatsisartut peqqussutissaattut siunnersuut (provstinik atorfinitsitsisarnerit) matumani pineqartoq taperserpaa.

Inatsisartut Kultureqarnermut Ilinniartitaanermullu Ataatsimiititaliaat taama oqaaseqarluni siunnersuut aappasaanigassanngortipaa.

-

Ruth Heilmann, Siumut,
siulittaasuugallartoq

Jakob Sivertsen, Atassut

Lars Karl Jensen, Siumut

Olga PoulsenInuit,
Ataqatigiit

Mogens Kleist,
Kattusseqatigiit